



## Publicaziuns dalla vischnaunca, jamna 40

### Damonda da baghegiar

#### 2011 – 1057.000

##### Datum dalla publicaziun: 3 d'october 2014

Il patrun: Theodor Huonder-Wicki, Schärenmosstrasse 25, 8052 Turitg

Il representant: Theodor Huonder-Wicki, Schärenmosstrasse 25, 8052 Turitg

Object: Casa da habitar, midada da project, construcziun d'ina habitaziun, parcella 898, Via Davos-Mustér, 7180 Disentis/Mustér

#### 2013-1005.000

##### Datum dalla publicaziun: 3 d'october 2014

Il patrun: Jürg Riesen, Schützenmatt 23, 6044 Udligenswil

Il representant: Walter Egli und Partner GmbH, Rebbergstrasse 26, 5408 Ennetbaden

Object: Casa da pliras habitaziuns, midada da project, engrondaziun dalla garascha, parcella 421, Via Plauns 17, 7180 Disentis/Mustér

#### 2014-1041.000

##### Datum dalla publicaziun: 3 d'october 2014

Il patrun: Theodor Huonder-Wicki, Schärenmoosstrasse 25, 8052 Turitg

Il representant: Theodor Huonder-Wicki, Schärenmoosstrasse 25, 8052 Turitg

Object: Casa da habitar, midada d'intent, biro en ina habitaziun, parcella 898, Via Davos-Mustér 2, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 29 da settember 2014

*Uffeci da baghegiar Disentis/Mustér*

---

### Purschida gratuita

La vischnaunca da Mustér porscha era uonn a ses habitonts la pusseivladad da visitar gratuitamein la Casa da traffic a Lucerna, [www.verkehrshaus.ch](http://www.verkehrshaus.ch). Al spurtegl dall'administraziun communal sa per mintga di digl onn vegnir retratg 5 entradas gratuitas. En quella purschida ei cunteniu:

- entrada gratuita ella Casa da traffic a Lucerna cun museum, planetarium, museum da Hans Erni
- teater da film lmax per in prezi reduciu
- 10% rabat sin biars artechels ella stizun dil museum

Co fuss ei da far inagada in'excursiun a Lucerna, forsa gest cun nezegiar la carta dil di per viagiare cun quasi tut ils mieds da traffic publics en Svizra? Dapli informaziuns ziuns retscheveis Vus tier l'administraziun communal Mustér (tel. 081 920 36 36 ni e-mail: [admin@disentis.ch](mailto:admin@disentis.ch)).

---

### Lavurs da notg RhB

#### Sutpassadi RhB Chischliun–Scaletta

Naven da gliendisdis, ils 15 da settember 2014 entochen dumengia, ils 5 d'october 2014 vegnan las lavurs per il sutpassadi dalla Viefier retica a Chischliun/Scaletta realisadas. Ord motivs da traffic (lavurs egl intschess dils binaris) vegn luvrau duront la notg naven da ca. las 22.00 entochen allas 5.30. La notg dils 4 sin ils 5 d'october cuozan las lavurs naven dallas 18.00 entochen allas 7.00. Per quei temps ei endrizzau in bus per ils trens che san buca cursar. Nus sespruein da reducir las immisiuns da canera sinin minimun ed engraziein allas vischinas ed als vischins per lur capientscha.



Damondas en causa sclarescha bugen la surveglonza da baghegiar, biro d'inschignier, Iso Mazzetta, (tel. 081 943 17 22). Disentis/Mustér, ils 10 da settember 2014

*Biro d'inschignier Iso Mazzetta*

---

### **Taxa da cumpensaziun da pumpiers 2014**

Tenor art. 12 dalla lescha da pumpiers dalla vischnaunca da Mustér ein students ed emprendists deliberei dil survetsch activ da pumpiers sco era dalla taxa da cumpensaziun. Nus fagein attents tut ils students ed emprendists sur 20 onns d'inoltrar a scret ina confirmaziun actuala dalla scola ni digl emprendissadi. Il mussament ei da tarmetter entochen sil pli tard venderdis, ils 10 d'october 2014 all'administraziun communal, caum postal 57, 7180 Disentis/Mustér ni per e-mail ([rschmed@disentis.ch](mailto:rschmed@disentis.ch)). Mo cun ina confirmaziun a scret sa la deliberaziun vegnir risguardada. Gia ordavon grond engraziament per las breigias.

*Administraziun communal*

---

### **Scaldaments mobils el liber**

#### **«Bulius da scaldar, radiaturs, radiaturs d'infratgie tschen e.a.v.»**

Tenor art. 11, al. 2 dalla lescha d'energia cantunala en cumbinaziun cun igl art. 33 dall'ordinaziun d'energia cantunala ha il departament da construcziun, traffic e selvicultura relaschau suandonta disposiziun:

1. Per mintga aparat da scaldar mobil – gas, electricitad ed ieli – che vegn duvraus el liber per intents commercials e che ha ina prestaziun da scaldar da maximalmein 14 kW sto vegnir cumpensau 1 tonna CO<sub>2</sub>. Per apparats cun ina prestaziun da sur 14 kW e cun ina prestaziun da scaldar maximala da 28 kW sto vegnir cumpensau 2 tonnas CO<sub>2</sub> e per apparats cun ina prestaziun da scaldar maximala da sur 28 kW sto vegnir cumpensau 3 tonnas CO<sub>2</sub> e.a.v. Silmeins 20% dall'immissiun CO<sub>2</sub> sto vegnir cumpensada en Svizra. Per scaldaments en tenda valan las medemas pretensiuns sco pils scaldaments el liber.
2. Per mintga tonna che sto vegnir cumpensada sto vegnir taccau ina vignetta vid igl aparat da scaldar. Ina vignetta vala mintgamai 1 onn naven digl 1. da settember entochen ils 31 d'uost. L'obligaziun da cumprar ina vignetta exista naven dall'emprema gada ch'igl aparat da scaldar mobil vegn mess en funcziun duront la perioda da scaldar respectiva.
3. La cumpensaziun dall'immissiun da CO<sub>2</sub> succeda entras il gestiunari ni entras la vischnaunca.
4. Sch'ils gestiunaris cumpenseschan sez l'immissiun da CO<sub>2</sub>, vegn la vignetta concedida gratuita-mein entras la vischnaunca. La cumpensaziun sto vegnir cumprovada cun in certificat d'ina interpresa specialisada sil sector dalla cumpensaziun da CO<sub>2</sub> (p.ex. myclimate). Per apparats da scaldar electrici sa l'obligaziun da cumpensar l'immissiun da CO<sub>2</sub> era vegnir ademplida, sch'ei vegn applicau – per mintga tonna CO<sub>2</sub> che sto vegnir cumpensada – cumprovadamein 4500 kWh d'electricitad ch'ei vegnida producida cun energias regenerablas.
5. Sch'ils gestiunaris cumpenseschan buca sezs l'immissiun da CO<sub>2</sub>, ston els cumprar tier la vischnaunca ina vignetta per mintga tonna CO<sub>2</sub> che sto vegnir cumpensada. Il prezi per vignetta importa frs. 60.–.
6. Las vischnauncas impundan igl entir recav dalla vendita da vignettas per cumpensar l'immissiun da CO<sub>2</sub>. Igl uffeci d'energia e traffic metta a disposiziun in agid d'execuziun per las vischnauncas.
7. Per decretar sancziuns en cass da cuntravenziuns, en special incassar multas, ein las vischnauncas responsablas (art. 36 s. LEG).

Las vignettas san vegnir retratgas naven digl 1. d'october 2014 tier l'administraziun communal.

*Suprastonza communal Disentis/Mustér*



### **Via da communicaziun Pardomat**

Las lavurs da construcziun dall'emprema etappa prospereschjan. Venderdis, ils 3 d'october 2014 naven dallas 17.00 vegn la via puspei aviarta per scadin traffic. Duront la jamna dils 6 entochen ils 10 d'october vegn il numnau tschancun catramaus. Ord quei motiv resta la via serrada mintgamai naven dallas 7.00 entochen allas 17.00. En cass da malaura vegn la lavur da catram spustada per ina jamna.

*Uffeci da construcziun bassa dil Grischun  
Pius Cavegn*

---

### **Controlla da habitonts**

#### **Mortori**

Meinrad Benedetg Deflorin-Lutz, naschius ils 22 da mars 1950, morts ils 26 da settember 2014

---

### **Colonna d'agid Mustér**

#### **Cuors da reiver per affons**

Gia dapi biars onns oganisescha la Colonna d'agid Mustér mintga stad cuors da reiver per affons. Per dar era igl atun la pusseivladad da trenar da reiver vegn organisau duront 8 mesjamnas sera in cuors da reiver per affons dalla 2. entochen 5. classa.

Liug: Halla da reiver el Center da sport e cultura, Mustér

Entschatta: mesjamna, ils 29-10-2014 entochen Nadal 2. entochen 5. classa 17.15–18.45

Menaders: Commembers dalla Colonna d'agid Mustér cun brevet Giuventetgna + sport

Annunzias: Entochen gliendisdis, ils 27-10-2014 alla Colonna d'agid Mustér, Andri Hendry (tel. 081 947 62 02 ni e-mail: fam.hendry@bluewin.ch).

Segirada ei caussa da mintga participontA.

*Colonna d'agid Mustér*

---

### **Clom d'urgenza 118**

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas persunas el Grischun! Plinavon daventan ils donns cun mintga minuta spiarsa pli gronds. Perquei s'adressesin nus a Vus cun ina ferventa supplica: clamei ils pumpiers mo sur il clom d'urgenza 118.

Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas persunas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet:

[www.pumpiers-sursassiala.ch](http://www.pumpiers-sursassiala.ch).

Engraziel per Vies sustegn!

*Vos pumpiers Sursassiala*



### Uniun samaritana Mustér

#### **Cuors: Agid d'urgenza tier affons pigns (Notfälle bei Kleinkindern)**

*Sonda, ils 18 d'october 2014, 8.00–12.00/14.00–18.00, casa da scola, Mustér.*

Il cuors sedrezza a mummas e babs, tattas e tats ed a tut las persunas che han da far cun affons pli pigns ed era pli gronds.

Ulteriur sclariment ed annunzias entochen: ils 8 d'october 2014 tier: Yvonne Flepp, tel. 081 947 50 35, yvonne.flepp@kns.ch

---

### Uniun da harmonicas Cadi

#### **La fiasta entscheiva.**

**Sonda, ils 4 d'october 2014 allas 20.00** concertescha la formaziun «Regionales Akkordeonorchester Peter Frey Reinach» en baselgia parochiala s. Gions. Els portan a nus ils salids dalla regiun Svizra dal nordvest, la quala ha renunziàu da lur dretg d'organisaziun dalla fiasta federala per in'emprema organisaziun d'ina tala fiasta d'accordeon en tiara romontscha. Beneventei nos amitgs da Reinach cun Vossa preschientscha.

Il CO 17.

*Fiasta federala d'accordeon 2016 a Disentis/Mustér*

---

### Uniun samaritana Mustér

Nies proxim exercezi meinsil ha liug:

*Gliendisdis, ils 13 d'october 2014 allas 19.30 en casa da scola, Cons.*

A stedia participaziun envida

*la presidenta*

---

### Gemeindezentrum Aua Viva, Disentis

**Erwachsenenbildung zur Vemenreihe:** Judentum:

Glaube – Geschichte – jüdisches Leben in der Schweiz.

Freitag, 3. und 31.10.2014, jeweils um 20.00–22.00 Uhr.

Herzliche Einladung an viele Interessierte!

